



A pupulazione corsa

Eserciziu d'appiicazione

Ogettivi pedagogichi

Capacità messe in ballu : sapè calculà una media ; raccoglie dati, urganizà li ; ghjuvà si di un tavulatore-graffitore da ripresentà i dati sottu forma d'un tavulellu o d'un diagramma.

Cumpetenze messe in ballu : circà ; raghjunà.

Enunciatu

1. Eccu vi un tavulellu chì ci indetta a pupulazione di une poche d'isule di u Mediterraniu cù u so Statu.
(fonte INSEE 2015)

Isula	Corsica	Sicilia	Sardegna	Baleare	Creta
Pupulazione	327 283	5 092 080	1 663 286	1 124 972	631 513
Statu	Francia sana (+ DOM)	Italia		Spagna	Grecia
Pupulazione	66 456 279	60 795 612		46 449 565	10 858 018

Date u percentuale di a pupulazione di l'isule à pettu à quella di u Statu sanu.

2. Fate un diagramma à stecchi di a pupulazione di l'isule cù un tavulatore.
3. U tavulellu sottu quì ci indetta a pupulazione di une poche di cità corse (fonte INSEE 2015).

Aiacciu	Bastia	Portivechju	Borgu	Biguglia	Corti	Furiani	Calvi	Lucciana	A Ghisunaccia
68 426	44 355	11 826	8 505	7 957	7 331	5 736	5 376	5 371	4 128

Dà u valore mediu di a pupulazione d'isse cità corse.

4. Serà vera chì più di 30% di a pupulazione corsa campa in Bastia o in Aiacciu ?

Lessicu

Diagramme à stecchi : *diagramme en bâtons*.